

100 6

ChL 9117.1148 C

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

5 OCT 11 1932



漁洋山人詩集卷十九

哈佛大學漢和
圖書館珍藏印

新城 王士禛 貽上 撰

丙午稿

昭陽顧符稹畫棧道圖歌

顧生畫學李思訓尤工棧道兼騾綱丹青金碧妙
銖黍近形遠勢窮毫芒褒斜山色一千里子規啼
處烟蒼蒼女郎祠邊人跡絕但見哀猿連臂叫嘯
青崖傍江水如油下南鄭閣道似髮通陳倉紅瓊
裹背笠覆首人物結束疑唐裝車馬班班入雲際
如蟻緣垤相扶將秦川渭水望不到蠶叢直上天

茫茫仰家扇子冰雪色一莖斑竹磨瀟湘如何方
寸懷袖裏宛然置我蜀道青天長揚一益二古天
險譙周鬻國謀非臧阿瞞四紀作天子青騾西幸
何倉皇三十年來蜀道塞况從古史論興亡因君
妙蹟發遙慨如聽鈴聲替戾岡

過廣川弔董子

十年蓀縣問遺書五載江都傍舊居太息此才逢
主父天人三策欲何如

花朝道中有感寄其年三首

漁陽三月無芳草客思離情不奈何此日淮南好

天氣青驄尾蘸鴨頭波

三月嬉春射雉城鉢池新水縠紋生紫雲低唱靈
雛拍愛忍春寒坐到明

風俗淮南古禁烟紅橋解禊雨晴天酒徒散盡楊
枝別說著花朝一惘然

趙雪江畫

以下九首青州爲
櫟園雜題畫冊

山如十斛新螺子柳映雙谿舊鴨頭圩外袂針初
刺水鱖魚時節坐扁舟

鄒衣白畫

雲嵐半幅落人間衣白山人去不還却憶題詩東

澗老夕陽粉本出關山末七字虞山翁題衣白面句也翁晚年號東澗遺老

鄒喆畫

山深樹色變黃綠天高石氣摩青蒼何人寫著盧鴻乙便是終南舊草堂

題胡元潤畫寄焦山樵道人

白波青嶂非人境憶住江南過五年今日長征老鞍馬菰蒲春雨夢江天

八冊小景

八冊西風曉鏡鋪家家網得四腮鱸水鄉風味江南思何日扁舟鶯脰湖

石谿畫牛道

兜率崖前雙屐去鐵心橋畔一筇歸當時擬向牛頭住不道風塵與願違

樊圻畫

曾經草鞋夾望見清涼山秋雨暗江浦數帆烟際還披圖思建鄴欲往路間關因送江南客題詩慰別顏

趙澄畫

江南春意到寒梅曲崦迴汀幾樹開銅井銅坑風雪裏曾欹烏帽跨驢來

石谿畫

慈竹林中一徑微曾尋石窟叩禪扉雲山舊衲渾
忘却欲借僧雛壞色衣

送姚六康令石埭二首

江祖魚梁外青天翠黛低桃波接秋浦水色勝耶
谿城映清川曲詩尋碧嶂題五湖一帆影目盡秣
陵西

捧檄西南去看山過九華池陽秋望好楚色滿蒹
葭吏散調馴鶴春行課采茶此邦風俗古官舍似
田家

趙北口見秋柳感成二首

順治乙未予上公
車與家兄司勳傳

彤臣御史賦柳枝詞于此忽忽十餘年矣堤
柳婆娑無復曩時不勝攀枝折條之感因賦
詩是

十二年前乍到時板橋一曲柳千絲而今滿目金
城感不見柔條跼地垂

六載隋堤送客驂樹猶如此我何堪銷魂橋上重
相見一樹依依似漢南

余舊賦柳枝有句云銷魂
橋上銷魂樹不到飛花魂

亦銷

雨中送甯益賢歸潁川

與君共憔悴揮手此重陽露下黃花晚雲中白雁

長離樽對寒雨別調入清商鳳德吾衰甚聞歌愧
楚狂

題李御史水亭二首

野夫乘興坐水閣鷓鴣沙燕參差飛烟中人語釣
船過昨夜雨來蘋葉稀角里昔游那在眼魯坡舊
業空懷歸棹歌一曲杳然去夢向滄江漁父磯
略約橫斜孤嶼邊丈人水榭似吳船漁菴蟹舍紛
相映衰柳殘蒲望邈然別浦清秋菱芡熟江鄉遠
思鱸鮮今朝偶乞樵風便來伴閒鷗盡日眠
周量近耽奕甚以詩調之并示湘北簡討

畫省垂鞭薄暮迴文楸方罨鎮常開知公欲厭承
明直徑賭宣城太守來

送隱巖道人之五臺繹堂周量茗文湘北同
作二首

道人江左秀十載住菰蘆獨向清涼去隨身智杖
扶峰峰餘積雪了了見文殊亦欲游方外從師問
苾芻

曼殊行道處猶現海螺城摩詰無文字豐干識姓
名綻衣寒事早咒鉢毒龍驚殺活從渠會依然草
一莖

讀蔡中郎集

曾說迴車弔偃師千秋釋誨感知幾可憐勸進郡

侯日此老華顛又是誰邕釋誨設為華顛湖老與務世公子問答

答曹淡餘廷尉送梅之作兼示令兄升六解

元

江南雪霰春凌亂憶向蟠螭穩泛舟雙屐曉穿光

福樹萬株香壓太湖流瑤華久別應無恙佳句遙

傳一畔愁竹屋紙窓燈火裏與君斟酌話前遊

雪後入朝啓事懷宗定九

雪霽東華曉漏遲宮鴉飛上萬年枝故人憶在東

原隱夢覺寒溪落木時

青州有感

銀漢紅墻望不分十年桂樹雨中聞沅湘嫋嫋自

秋色禾黍離離空夕曛網戶昨宵歸宿燕觚稜今

日委荒雲鐘鳴葉落頻回首只有青山不負君

漁洋山人詩集卷十九終

漁洋山人詩集卷二十

新城 王士禛 贈上 撰

丁未稿

答梅淵公贈畫兼寄唐祖命沈方鄴三首

北樓遙憶碧雲間
謝眺詩中夢往還
今日老瞿圖畫裏
何如蒼翠望寒山

鳥弄屏風明鏡開
青溪水色碧潏洄
琴高三月登春網

一日谿頭醉一廻

年來八詠憶休文
耕塢先生袂又分
好是謝家團扇上
相思爲畫敬亭雲

遙送汪舟次游廬山三首

聞汝清秋日孤吟到繖山殘碑訪江今日夕不知
還復愛屏風疊蒼蒼雲霧間南飛駕鸞鶴揮手向

松關舟次先往棲霞

春帆下彭蠡弭柁問匡君曠望輕千里青天瀑布
聞振衣三峽石游目九江雲想到東林寺吟詩坐

夜分

何處弄芙蓉西南五老峰昔人不可見此地空雲
松吟眺青山晚名流白社逢獨慚謝康樂夢逐虎

谿鐘

送陶季之潞州

先生昔日登武夷鐵船峰頭看奕棋中冠離支三
百顆酒酣自擘輕紅肌峰頭爛睡忘甲子坐笑曾
孫生白髭張帆伐鼓下黃鶴欲濫三湘窮九疑披
襟蘭臺發高唱快哉不辨風雄雌平生名岳屐齒
遍風塵京雒嗟衣緇投我奇文浩千頃蛟龍大澤
纏躩踞謂我四海一知己譬若莊休從惠施高齋
茗飲坐清晝風爐活火分槍旗我時無事似犀首
酒鱗浮動銀留犁豐臺紅藥花照眼驪駒忽告將
西馳壯心猶作驥伏櫪適志無如泥曳躡我聞上

黨天下脊當年潛邸傳臨淄飛龍荒宮沒烟莽斷
碣髮髯開元詞紛紛梁晉夾河戰鷓兒萬騎陳軍
麾錦囊負矢盛意氣歌聲慷慨留三垂時平不用
弓箭手空老昭義千熊羆戰場下馬問亭長鬼燐
颯颯寒飈吹君家草堂臨射陂門前五柳藏東籬
何時單舸徑歸去北窓高枕談黃義

送朱秋厓歸安宜兼訊陳冰壑

北平太守老不封身經百戰關強弓平陵岬頭爾
何物李蔡爲人居下中昔者應侯未入秦折脇摺
齒難爲容一朝西行取相印故人馬食何匆匆丈

夫不遇且蓬累古來雄俊將無固愛汝朱平草堂
好甓社湖北如吳淞釣船春入鮓菜市柴門晝掩
菰蒲藜據梧時復同惠子上冢聊爾隨龐公當年
我作淮南客落帆屢及桃花紅兒童習見鷓鴨熟
濁醪爲我來墻東此邦佳士復有幾稍從湖海知
元龍唱于唱喁樂復樂大湖漠漠來天風自別淮
南老鞍馬筆墨蕭颯如秋蓬眼明乍喜故交至劇
談往往連晨鐘聞君此行意恂恂五湖春水磨青
銅夢隨白鷗沒浩蕩覺來目送南飛鴻歸逢陳鈺
相問訊余方袴褶騎黃驄

送楊東子孝廉歸廣陵兼寄費此度

淮南三月春江綠遊子歸帆指江曲客路驚逢黃
鳥新到家正及櫻桃熟楊郎風調絕世殊少年能
讀等身書手將玉麈都無別瓊樹瑤林定不如去
年壯游輕萬里灑灑瞿唐片帆耳崢嶸赤甲羅胸
中突兀黃牛壓蓬底司馬橋頭駟馬歸杜陵花發
試春衣長安官舍一杯酒却憶揚州初見時揚州
城西蜀岡路猶記當年冶遊處歸語成都賣卜人
乘槎欲訪支機去

楊費皆成都人寓淮南

題胡玉昆南新水部署宋梅圖爲程翼蒼

風雨匡山事杳然故宮跡影自年年何人寄恨丹
青裏留伴冬青哭杜鵑

送周量同梁芝五游西山

西山香山妙無比一道飛泉萬松裏馬曹自矜能
拄笏不知落汝芒屨底猢猻藤子青銅堅爲汝一
日窮緣攀遙想空山下風露塔然坐對開禪關
送沈康臣歸越中兼寄姜鐵夫

鏡湖五月蘋風涼蜻蜒著水菡萏香越女如花棹
舟去一曲前溪能斷腸沈侯詩瘦如東陽家臨鏡
湖開草堂野艇晚釣語黃帽北窓春雨抽蒼筤會

稽竹箭天下良僑肝更出菰蘆鄉一朝來摩鳥集
鬪蹴踏枚馬提班張勇若孟賁捷慶忌萬言誰得
如東方羽林飲飛識名字落筆觀者如堵墻紙尾
一鷺萬金直題背定須煩庾郎持梁躍馬有底急
羨汝墨妙工文章櫻桃紅過棟花老潞河曉峭干
帆檣榜人長嘯指於越衣冠送客臨高粱白魚入
筋淮楚近綠橘照眼吳山蒼萬事無如故鄉好况
復乘槎來日傍吾友姜梗與君厚寄言別夢南天
長安得與君夾清漳張南周北劉中央用南史語
送同官劉寶生赴漢中僉事

梅雨初晴出禁林河梁西望暫題襟樂游原上離
宮盡陳寶祠邊驛路深秦棧春風千騎度散關曉
日一猿吟慈恩回首同游處天際梁州夜夜心

膠東張雉畫葛洪移家圖歌

下簾卧清晝遠夢生羅浮覺來北堂上素練橫滄
洲依稀三萬六千丈風吹絕壑紅泉流何人攜持
雜負戴全家避地來山幽先生身騎烏犍牛丹雞
白犬隨行輶鮑家小女兩丫髻手把芙蓉居上頭
惠懷之際那可道萬乘不洗金墉羞王家寧馨失
三窟華亭鶴唳悲清秋回首銅駝洛陽陌名士對

泣新亭因伏波將軍不受賞丹砂欲就來交州大
鵬詎可伍鷓鴣跛鼈坐笑追驂騮張生妙筆擅黔
陬令我逸興生丹丘夙昔讀書慕仙意望而不見
中心愁十年婚宦願粗畢青鞵快作逍遙遊刀圭
爲我留井竈此生未作切堂舟

送耿十三承哲赴高州推官二首

見說高涼郡遙遙八桂鄰駱田潮上下蠻弩瘴冬
春蚌暈連珠浦冰綃獻海人酌泉君有意知不厭
清貧

何代名藩地軍城遍草萊轅門飛鳥落行殿野棠

開感激礪州蹕悲涼洗氏才撫時思將略巾幗亦
雄哉

哭耻古都諫二首

太息 章皇帝能容折檻臣一朝看蟻結七載泣
龍鱗封事堂堂在風霜字字新可憐天下任無復
見斯人

都諫未沒前數日猶言身雖不用亦當存以天下爲已任之意

蕉萃終何道姬姜色自殊無人念管蒯有淚灑靡
蕪遺玦成捐棄如弦死道途武夷歸去否風雨痛
羈孤

戲送剩圃歸里二首

兔柴何如鹿柴幽一條略約石溪流黃雞未老新
杭熟歸及東田七月秋

秋風葯圃閒支枕微雨蘆溝倒跨驢想到故山殘
客少藤梢橘刺莫教除

同沈繹堂程周量題項叅政倦鳥亭圖是戴
務旃畫三首

自得陶家意吾廬只數椽曲欄斜釣艇飢鶴啄秋
田曖曖郊原樹依依墟里烟未須笑縵縷飲酒豈
徒然

白石山中路蕭條暮雪時泉水紛鹿跡石室偃松

枝靈境幾人到幽棲良在茲他年鞵襪去丘壑有
前期

昔上牛頭寺東峰一振衣愛君圖半臂清晝坐忘
歸山月松間吐僧鐘定後稀舊游如夢寐見此重
依依曩同方爾止游牛首見務旃所畫東峰半臂最妙

同年袁秋水僉事覲事畢將歸甘州索詩歌
以送之

白馬黃金柑蹠蹠思邊疆河西四郡天萬里中分
弱水臨河湟漢家天子重邊冊大開張掖連燉煌
陽關以西盡亭障屬國一氣通諸羌遠求汗血歷

絕域玉門使者遙相望輪臺之悔復何補弛刑十
萬空雄張首宿離宮待天馬蒲桃大郡酬伊涼至
今祁連古邊塞控弦士馬多精強衙帳雲屯雜回
鶻部落星散延燒當當年武呈用兵處傳烽高並
天山長祭酒布衣諸生耳虎頭食肉何昂藏紅鹽
池邊開幕府羗女如花羅酒漿安西都護受成事
戊巳校尉停秋防使君能令金作粟使君能使馬
如羊使君今且爲急裝還報 天子開明堂特賜
安車圖未央五星歲歲臨東方

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花
紅明鏡生瀟照清流澹惠風別來一千日和見膽
瓶中

魯連波上路十里白蓮花遙夜孤舟泊無人山月
斜斷橋三汊水籬落幾漁家津市垂楊岸何人繫
釣查

題公弼畫送樵涇歸長白

青山一帶似秦餘谷口逃名共結廬何日真如圖
畫裏醴泉山下對門居

公弼作飛瀑圖題詩見貽云揮手青山負夙

期薊門騎馬閱炎曦阿誰箕踞長林下恣看
銀河一派垂輒賦二詩調之

筆底清秋萬壑雷百泉蕭灑亦奇哉司勳似憶容

城叟獨卧孫登古嘯臺

公賦舊與孫鍾元
隱君卜隣山中

身是巢由未得閒朝回漱墨寫潺湲蘇門白杵應

相笑便欲留琴擅此山

公賦出山留一
琴于燕門草堂

傳經堂歌送卓永瞻歸浙西因寄火傳

中原喪亂連天崇鑿蹄驕馬嘶江東昭陵玉匣出
隧道鴻都秘策飛秋蓬小作睚囊大帷蓋石碑三
體皆磨礪解經無復戴侍中說易亦少鮭胡瓦陽

世德不可紀侍郎謀國真公忠巢傾卵破

翰不卑曲突徙薪誰謂功革除事往三百載至今

化碧千長虹聞孫抱經隱茗雪千秋人識梁丘宗

清廟少堂列球貝深山大澤藏地龍我慕蒞淵生

苦晚晚及孫子相追從雄才能慮五石瓠大力欲

挽千鈞弓桓榮稽古累數世郎君人地將無同昭

氏鼓琴有妙理誰云竟以文綸終 至尊通經過

漢代會開東觀臨三雍白虎諸儒考同異如縣大

篋鏗洪鐘郎君攝衣作都講雅歌殿上何雍容野

夫窮經不得力坐使尹季傷瘖聾他年登堂問章

句五湖帆影隨樵風侍郎公名敬遜國名臣

宗定九畫紅橋小景于便面見寄賦懷三首

平山堂外春風到取次紅橋爛熳游時聽鈎軒坐

深竹不妨苓箸挂扁舟

辛夷花照明寒食一醉紅橋便六年好景匆匆逐

流水江城幾度沈郎錢

紅橋秋柳最多情露葉烟條遠恨生好在東原舊

居士雨窓著意畫蕪城

荷蘭刀劍大小凡八枚

憶戰金門島主師大合圍寒芒生海外真見著胸

飛

荷蘭四馬二青二赤同屬膺鶴脛日可千里

龍種來西極蘭筋怒不羣鼓車應待汝不用籥浮

雲

西洋四白小牛白質班文長二尺高一尺七寸項有肉峰

豈是流沙種還疑果下駒寄言熊虎質不敢恃牙

鬚

立秋後雨中言懷寄家兄西樵于廣陵

三日不出秋已過不衣不冠任慵惰雨久却愁屋

漏痕泥深更惜屐齒泥門前轟隱多高車折軸脫

輾誰能那朝回閉戶罷通謁仰視屋梁但高卧長
貧敢羨邢麗奢少賤自甘葛轆軻吾兄忘機罷爭
席世尊渠屑仰天唾淮南落葉已再見欲歸不歸
苦飢餓客中過從誰最親只有牛醫兼馬磨螻蛄
窟裏掉頭去蒼蠅聲中洗耳坐天寒歲暮行當歸
江湖浪涌蛟龍大

述舊贈劉公猷吏部

昔在順治中天府羅文昌 至尊右儒術海寓盛
詞章夫子起汝南高步翰墨場僕從稷下來意氣
猶蹶張雲龍歛然合相逐共翱翔論文無囁嚅結

過草橋橋西二水清劃然至橋東乃合流

土人云清者自西山來濁者渾河也

垂楊匝地板橋橫沙路青驢所得行偶坐濠梁忘

日暮可憐泉水在山清

投壺贈董玉虬程翼蒼

巖杖樽前矜妙技銅壺花下伴無聊野夫袖手虧
成外輸汝平分七十驍

朱錫鬯自代州至京奉柬一首

短後曾將代馬騎談兵絕塞偃牙旗錦囊舊事悲
唐壘碧玉春流寫晉祠燕市雪深衣褐敝吳江楓

冷酒船遲鴛湖若買三間屋得便從
右下釣絲有

晉祠記
最工

為念東先生題衡山畫二首

驢影凌兢冬氣昏危亭孤棧簇烟村披圖正有溪
山夢風竹蕭蕭雪擁門

凍合千山鳥不飛梅花香裏踏清暉先生只向江
南老不見天山雪打圍

送座主蒲州公祭告北鎮二首

閶闔晨開遣上卿玉函金簡下承明貂裘雪壓遼
西郡虎跡秋高右北平山指醫閭盤重鎮江迴鴨

交多老蒼四海得江文程周驤首同周行臺稱

二妙籍籍董玉與采緝璋射必有邸玉片豈無當

窮秋八九月草木萎以黃憑弔望諸君馬金臺

旁風雲慘營平邊朔多嚴霜和歌猛虎行天地為

低昂時序一以變良會誰能常君思加西湖歸尋

兩歐陽諸子亦星散各各之四方僕湖廣陵濤時

上平山堂側聞清潁水嫩綠如瓜瓢小艇擬艇舫

往往破湖光別業寄蘇門水竹紛岐塘百里見黃

華神工肆敝敷飛瀑下千尋灑落石冰涼熊岳所

居處瑰異不可詳破衲山水紋蕭松居士裝真江

五馬渡暮雪天蒼浪是時一握三泥飲傾千觴豈

知十載別會合仍帝鄉羣公更為集列宿森光芒

翰林蔣虎與李湘誅蕩排天閭亦有陳子與吳王隨

鳳凰鳴鏘鏘程子龔垂天雲一作枋榆捨雅歌出

金石高論窮羲皇夫子正始日卓為羣倫唱僕忝

龐公交時登元龍床小春風氣佳晚菊有餘芳賓

從會西園絃管羅東廂援亭申此詞勗哉毋相忘

祖將軍園亭以下九首城

粼粼冰石映前灘落落松至返照殘蓮葉蕭條蒲

葉短并將鳧雁作荒寒

綠袍神京渝關楊柳初搖落橫吹聲中出塞行

風雲莽蒼黯平蕪直指營州接上都九塞東來圍

朔漠羣山北折走徐無勁鵬晚日摩霜磧老馬當

年識霸圖喜見太平新望秩神光初起萬靈趨

讀唐簡討徐隱君九日長白山詩賦寄

秋山千里外歸思寄朝昏聞說登高處莓苔遍履

痕清霜石門路落日青松根安得同攜酒新詩與

細論

立春日寄司勳兄時兄歸自江南兼示仲兄

叔兄

越水吳山幾滯淫，衡門歸閉系川濔。撈蝦亦自甘
桃達，據地誰能但陸沉。空對梅花思健步，愁看雪
意釀春陰。高堂無恙諸郎好，婪尾遙知次第斟。

題繹堂小像卽送之赴通薊四首

早識吳興沈隱侯，倏然玉立映清秋。九州人物提
衡遍，畢竟還渠第一流。

長林已辦松枝麈，谿水真成洗硯池。筆勢自來追
庾翼，清談應是勝張譏。

軍都山下闢轅門，馮翊扶風節制尊。勉爲蒼生須
一出，先皇侍從幾人存。

九峰三泖興悠哉，舊隱何人掃石苔。若許畫師傳
二老，不妨添我刺船來。

送程伯建入覲畢返滇南

祚馬旄牛幾策勲，十年歸譔聖明君。往來衡岳三
秋雁，迢遞昆池萬里雲。豈少通侯推祭酒，依然蠻
府作參軍。牂柯江上應回首，長樂鐘聲憶共聞。

漁洋山人詩集卷二十終

漁洋山人詩集卷二十一

新城王士禛貽上撰

戊申稿

世祖章皇帝御畫渡水牛戲以指上螺紋成之賜
中官某臣從黃州通判臣宋犖得觀恭賦一

章

章皇握乾符武功輝旁魄孚齋世祖宮中游春晝

長游藝睠圖籍泉壑窮窈窕烟雲羅幽曠寶繪賜

近臣往往等球璧常從青箱堂今御史大夫王公第奎藻覩

赫奕營丘及河陽到眼堪一擲想見憂勤暇勝情

寄山澤戲作渡水牛生態妙盤碎肉怒垂星圓筋
突陰虹直脰似滿黃鐘角堪扣白石彈指九牛毛
森踈如刻畫水波稍演迤浮鼻未沒脊髣髴綠楊
風掩映春蕪碧神武十八載文教洽重譯干戈與
弓矢包用黃牛革小雅賡宣王爾牛何濕濕旄旗
牧人夢考牧周官職應知翰墨餘與世登衽席龍
髯去已遠謳思徧荒僻雲漢爛天章典謨布方策
聖主念紹庭率由正無射小臣沐皇風流涕記飛
白

十六日曉過慈仁看松雪

松氣自翳鬱風雪相迥薄不見凍禽翻惟聞松雪
落

爲宋牧仲題林良宮娥望幸圖

杏華春水團宮纈宛宛鷺羣白于雪林良好手二
百年犀軸飄零見奇絕太平內則徧閨禱宮漏迢
迢響夜籤何處離宮三十六金羊空望竹枝鹽

送宋牧仲歸黃州

詞賦梁園憶勝游一麾雲夢澤南州三分誰似周
郎少九辨深知宋玉愁烏鵲南飛河漢轉大江東
去古今流山川如此容高嘯羨汝黃泥坂下舟

送楊鄂州職方奉

詔安南

時國王黎維禧侵奪都統使莫

元清高平地故有是命

于闐玉帶橫腰身猩紅袍蹙金麒麟使者青霄下
千仞旌節遙臨日南郡日南郡縣古交州唐家都
護天南頭大長叩關奉朝請比于佩印為通侯咫尺
高平亦王土誰使穴中鬪羣鼠要令萬里靖烽
烟先見兩階列干羽楊郎意氣不可當談兵畫省
神揚揚雄才常擬略邛笮壯心更欲規河湟此去
烏蠻過銅柱曾是伏波用兵處即看金馬獻彤庭
不用飛鳶愁毒霧朝來祖帳城東門羣公冠蓋如

雲屯虎頭食肉志亦得新婦惟車安足論

林逋梅鶴

以下六首為蒲州公題趙承旨雜畫

郭索鉤輶句尚傳妻梅子鶴致蕭然不知他日朝
元殿誰上汾陰饗祀篇

齧草馬

八尺龍媒霧鬣旋欲鱗并冀刷幽燕長鳴未得風
雲便首菴離離亦可憐

漁父

風送三江雉尾尊青鱸紫鱖正時新故家零落遺
民老恐是當年汝社人

磨鏡

磨鏡一錢無不可市中游戲亦悠哉黃塵碧海須
臾事負局先生自往來

馬

十二天閑立仗齊何來龍種大宛西卽教得遇雄
才主不少黃金鑄裏蹏

打毬

如弦馳道接長楸紅鬣嘶風滾畫毬日暮踏花歸
去晚德陽宮北苑東頭

送米紫來令建昌

南風吹船健如鷗一月飛渡西江灣名流正得山
水窟雲中五老玉孱顏畫禪書聖兩無敵官閒潑
墨東林間風流海岳菴中客直取廬山作硯山

三月晦日公猷招同曰緝玉虬茗文周量玉
隨翼蒼湘北子端集河樓得絕句六首

下直經旬髮不梳河樓高會剪春蔬已喜綠蒲藏
睡鴨更燒紅燭射游魚

御河楊柳盡飛花露葉烟條拂狹斜十五年前曾

繫馬數株初種不勝鴉順治乙未年春曾與諸公宴集此樓

流雲漠漠閣春陰乍試輕容尚不禁斑竹闌干恰

臨水風吹新綠一篙深
櫻桃初熟紅藥開相逢且覆掌中杯新詩樂府誰
多少鬪取旗亭畫壁來

濟南山水天下無剩水殘山還自殊仕宦幾人爲
令僕十年冷落鵲山湖

腸斷江南盛小叢三年禪榻過春風不緣今夕相
料理枉負花枝映肉紅

送戴務旃遊西嶽

捫蝨雄談事等閒餘情槃薄寫孱顏洛陽貨畚無
人識五月騎驢入華山

六月十二日喜雨晨起爲錢宮聲題周靜香

長橋烟雨圖

松枝塵尾壁角懸桃笙火出晝不眠長安五月旱
太甚自郊徂宮空告虔昨宵新涼生枕簟五更簷
溜聲奔泉大江萬里瀉春漲濤頭泛泛何滇滇豁
如毛摯去酷吏身傅兩翮思騰騫坐憶江南此時
節流水泱泱鳴稻田錢郎打門送急遞鼠鬚煤尾
交雲烟青松短壑妙結構高厓巨瀑紛鈎連長橋
烟雨更奇絕空濛似欲無山川濕篷折疊緯掠水
黃泥曲岸相資緣江南舊游入夢寐彷彿五湖春

水船錢郎自號五湖長此圖日在衡門邊胡爲歎
段來長安披裘帶索履後穿我欲與君同扣舷青
簑箬笠隨長年詩成閣筆一笑粲簷前急雨衝洄
漩

又題周荃觀察畫

石勢槎牙亂水間扁舟有客弄潺湲乾坤何處無
漁釣空愛周侯著色山

題文與也爲日緝御史畫江村讀書圖四首

水市漁村短竹籬故人新辦草堂貲客來夜雨烹
春韭晏坐清齋折露葵

門外漁航個個輕春流滑笏縠紋平江花江鳥不
相識寫向丹青俱眼明

風日菰蘆畫下簾鐘魚聲裏悟楞嚴從知摩詰無
文字盡掃鄴侯三萬籤

停雲家世紅欄里相國風流異代傳昨見明窓寫
江練諸孫才調又翩翩

送翁山子五首

藝蘭不盈晦孤芳難自宣不知沅湘上九畹爲誰
妍葳蕤玉池側掩冉春風前何當永服媚一賦涉
江篇

故人滄洲別迢迢餘十載太息東逝波流光詎相
待珠江明月來時時見光采南望羅浮雲知予寸
心在

西登秦昭臺鈎梯去天尺道逢衛叔卿六博忘日
夕迴車雁門郡感慨平城迹常逐射雕兒醉獵黃
沙磧

昔子從代來竹覆中庭雪新筍復成林再見還相
別我有五絃琴古調自怡悅牙曠日以遠曲終絃
斷絕

倦游慕栖遯復愛秣陵山萬里還將母中年當閉

關攝山江令宅花落青苔斑他日尋君處雙峰應
重攀

張彥若索扁舟歸隱詩時將由河東歸武林
張侯六月之河東將尋姑射騎飛龍却夢扁舟落
吳越五湖萬頃何空濛武林諸山盡嫵媚人家碧
水穿房櫳明年鱸膾斫寒玉歸帆正飽西南風
爲茗文題焚香掃地圖

朱門鼎鼎厭梁肉忍饑誦經無此人娜如山中好
水石他年真作孟家隣

金籠鸚鵡曲

隴上黃鸚鵡紅珠金毛衣渴飲隴阪泉倦飛隴樹
枝安西邊將好遊獵可憐誤入君罟罟黃金作籠
大秦飾萬里作供來京師回首隴上雲去去從此
辭漢家天子賤異物開籠詔放鸚鵡歸鸚鵡歸鳳
凰來紫庭阿閣當儀之

廢宮曲

小車何檻檻大車何噶噶陂陀如上天千夫力竭
萬牛奔車上何所有雕楹畫桷盤龍蹲昔日帝子
全盛時高臺邃宇檻層軒方連刻網戶曲瓊懸朱
門一朝人事浮雲變歘如風裏霜蓬根東邸青棠

雨中折西邸泉聲去鳴咽飛甍旭日起重城戟門
初開聞角聲

沙民嘆

沙洲連袤幾千里昨日高門今廢址稻黃如雲不
敢收欲獲恐遭君馬箠朝來官長親驅逐雞狗無
家苦遷徙東隣西里半燒焚微命何堪驅螻螻連
涇大帥如雲屯紅旗金印開轅門江頭戰鼓一聲
動中堅魚爛前徒奔但願盧循徐覆一朝死身同
精衛填海水

巫山高

漁洋詩集 卷三
巫山高高際天蜀江駛如箭吐弦山高江深自終
古世人誰知五丁苦五丁力盡黃牛死巫山蜀江
險如此開府下令求朱提萬人委命當蛟螭山崩
石壓水深黑毒龍腊人如餽糜貝闕龍堂萬靈怪
何輕民命爲水嬉安得五丁更生黃牛出開山獻
我金百鎰使我遺黎返家室

宋子昭舍人使秦歸因懷牧仲通判黃州

相國風流付夕曛廣平兄弟更能文春城雪下聯
吟騎塔院鐘殘坐夜分使節初迴吳嶽雨鴻聲何
處楚江雲章華羅綺黃州夢驛使來時好寄聞

愁霖行

歲在涪灘陰氣凝愁霖不絕如貫繩江星動搖陽
景匿蝦虹閉藏潦霧增玄駒戴粒蟻封穴白躡涉
波豕出繒帙台變節百草死縱有紈扇須何曾立
秋八日又七夕不見河鼓低玉繩肅時雨若哲燠
若此事無乃非休徵今年災異亦太劇延慶旱魃
嗟頻仍太白失舍晝不入白青夜見生芒稜左輔
銅龍翻地軸川竭水涌騫高陵汝南桑田化滄海
涓淵白日蛟龍騰我讀劉向五行說天意人事如
相乘溟梁之會書地震龍鬪于鄭梁山崩吁嗟盛

世詎有此胡爲變易違其恒何時扶桑日東升重
霾一掃天宇澄野人爛睡曲兩肱晨炊不復愁薪
烝

竹枝三首送陸冰修

白翎雀飛山雪寒譜入琵琶馬上彈沙鷗鷓鴣春
江上蘆葉青青水滿灘

北人不識竹枝歌沙磧春深牧駱駝南人苦憶江
南好明鏡夾城春始波

才過蘇州是秀州垂虹亭下水爭流吳山的的如
迎客吳女摻摻解蕩舟

又絕句兼寄彭十駿孫

萬歲樓前江水長故人別我下湖湘燕山七月梧
桐雨又見斑駁送陸郎

題李長文學士畫冊

遙峰幾點落平湖漁艇沿流水鳥呼常惜當年孔
巢父釣竿不肯拂珊瑚

大司馬龔公招同劉公敵吳玉隨梁曰緝汪

茗文程周量陳子端李湘北陳其年集城南

餞送董玉虬御史赴隴右分用杜公秦州詩

韻得間字天字

送遠逢秋社西風岐路間單車三輔客鄉夢五湖
山折檻心元苦乘槎使未還隴頭嗚咽水想像鬢
毛斑

隴坂高無極西行欲上天秦州秋望濶寥落幾烽
傳戍鼓連天水長城到酒泉營平方略熟吹角罷
防邊

爲王無異賦獨鶴亭

園林華山下水石遠人間獨鶴來江海蕭然相對
閒博臺殘雪散仙掌片雲還騎向三峰頂遙遙不
可攀

奉答蘇門孫徵以君二首

山雪晚修阻蕭條松桂林孫登長嘯處南望百泉
深坐卧觀周易行藏託素琴空令嵇阮輩天半聽
鸞音

戰地山河改中原耆舊存嘯歌惟甕牖今古一蘇
門伏臘留田舍羲皇到子孫悠然太平世嘉遯老
丘園

懷子側湖州

吳興白雀寺杳杳舊禪棲聞訪名僧會扁舟向雪
溪秋懷千里外雪淨五湖西遙夜蘋洲夢江南路

不迷

再爲日緝題江村圖

西臺御史馬步工下直垂簾送飛鴻高堂雪霽展
圖書與在春江烟靄中

調茗文示日緝

也知子義愛當歸不見珊瑚拂釣磯且讓先生賦
招隱吳儂依舊浣朝衣

送吳天章歸中條山

月始在房羣陰終凍禽塌翅啼酸風呂生置酒邀
我飲清歌笑倚商玲瓏朝來宿醒卧未析吳郎告

我歸河東北風雨雪滿天地層冰千里高穹窿行
人駁疥手指墮狐裘嗟汝胡蒙茸長安甲第高人
天馬蹄動地聲隆隆漿酒霍肉不足道金玉磊砢
堆堂中汝詩千首文百軸洿塗未拔誰相通汝家
王官谷中條青濛濛藤蘿相糾水相激至今猿鳥
悲司空汝歸讀書甘菽菽致君堯舜會有日飛伏
詎辨誰雌雄

題李武曾灌園圖三首

衆木扶疎遶敝廬日耽清興羈林渠不騎塞北將
軍馬且把溪南種樹書

回首平泉宰相家風霜無復日南花漫言喬木舟
千斛皇后園中祗暮鴉

閒園半畝具區東葵蓼牽牛歲歲豐欲向於陵尋
子仲年來久已薄三公

送其年歸宜興二首

與君五載揚州夢細馬吟春皂莢橋歲晚幽州復
相送九門風雪壓盤鵬

送客魂銷楓樹林買田陽羨舊同心花枝照眼蝦
籠嘴未得從君弄渚禽

曉起雪柬茗文子端兼示與也

窓明睡初足雪片已橫斜憶汝高齋裏寒梅著幾
花

雪盛無烟火何人晚趁墟寒谿危棧裏寫我跨青
驢

漁洋山人詩集卷二十一終

漁洋山人詩集卷二十二

新城 王士禛貽上 撰

已酉稿

再送吳雯歸中條二首

二月春蕪綠紛紛蝴蝶飛花朝逢暮雨寒食減征
衣道路誰知已登臨不當歸中條多水竹此去掩
荆扉

愛汝王官谷他年擬借居三峰當戶牖五姓足樵
漁田舍堪懷古茅茨宜讀書獨憐好身手歸去注

蟲魚

中條山下
有五姓湖

雙劍行吏部侍郎孫公席上作

承澤○其一
魚腸其一有

銘云吳季子之子
永寶用劍凡九字

延陵季子不忘故千金之寶帶丘墓我聞此語餘
千年何來虎氣騰重泉天精下觀罔兩伏雷公擊
橐蛟龍纏古綠光射人瓜皮出土爭新鮮錯落黃
金書列星明滅蒼浪天五步殺一人易如削豚肩
又有古魚腸形製殊蜿蜒貫甲洞胸不濡縷立戟
交軼如浮烟幽州十月風折綿雪片墮地飛烏鳶
是時看劍夜置酒快若渴驥奔長川句吳舊事足
感激悲來清淚忽潺湲延陵已蹈子滅節誰令窟

室生戈鋌太湖魚炙事亦逆蘇臺鹿走今誰憐鱖
諸要離匹夫耳屬鏤之賜吾悲焉孫公八十日如
電博古直擅歐劉前爲公作歌驚四筵烏尾畢逋
河漢懸燈明酒盡雪亦止回看劍氣相騰旋

嶽下作二首

籃輦名山裏悠然懷抱開雲中辭嶽麓枕上見徂
徠他日臨千仞回看海一杯仙人騎白鹿邀我共
徘徊

嶽路清和候氤氳望不稀林園收宿雨石瀨濺人
衣班馬紅亭渡溪禽白練飛買山隨處好終日戀

清暉

泰山有紅亭左傳大蒐于紅卽此白練紅練鳥名

望徠徠懷古二首

徠徠林壑美復愛竹溪清應有雲霞侶幽居遠世情釣竿想巢父酒態憶長庚寂寞空山道寥寥千載名

當年石守道卜築亦于斯時際升平日人傳慶曆詩子孫留伏臘山中上王村今尚多石氏水石映茅茨直道今誰繼凄然汶水湄

渡汶水

泉流紛演漾爭遶汶陽田水碧明沙外山青玉鏡

前涼風起蘋末斜日冷溪烟鷗鷺吾憐汝菰蒲自在眠

徠徠山下田家

行行空翠裏明晦更多姿碧樹通村路青山向嶽祠林深雞犬靜雨足隴苗滋他日龜陰稼躬耕亦不遲

沂州

昨歲琅琊郡驚傳地軸翻衆山千里潰緊縣幾家存聞有蠲租詔深知挾纊溫九原新鬼大沾灑亦皇恩

羊流作

山執圍荒壘猶傳太傅城風流一銷歇華表只縱
橫落日高平道殘碑峴首情當年墮淚處髣髴見
平生

題尤展成新樂府四首

南苑西風御水流殿前無復按梁州飄零法曲人
間遍誰付當年菊部頭展成樂府順治
中曾進御覽
猿臂丁年出塞行灞陵醉尉莫相輕旗亭被酒何
人識射虎將軍右北平

五柳歸來對遠公虎谿三笑許相同今朝識得盧

山面蓮社花源一徑通

題桃花源傳奇

千金七首土花斑兒女恩仇事等閒他日與君論

劍術要離塚畔買青山

題黑白衛傳奇

雪中寄宗定九東原兼呈司勳先生

一冬不雪春融融江梅所柳俱空濛黃紬衾暖睡
初足起看窓紙何瞳矓蠻奴失喜縛雙帚走報玉
戲勞天公開門三寸沒堦砌拂空六出縈簾櫳舟
膠浦凍人跡絕天色慘慘雲而風銅餅筑響蟹眼
沸地爐火爇獸炭紅故人昔寄東原圖漁灣窈窕
橋梁通馱雪固佳霽亦好草堂正與圖中同蕭晨

畫雪復好手能以粉墨摹虛空前年幽州大風雪
馬毛如蝟鳴雕弓白檀山高鷹隼疾狐兔殺伐無
留蹤故人再寄蕭郎畫寒江釣雪推烟篷展看忽
憶東原客醉吟禁體追頽翁適客江淮意不樂悵
望百里無由逢何當笊箸挂驢背踏雪直過東原
東

冬日讀唐宋金元諸家詩偶有所感各題一
絕于卷後凡七首

元和碑版照千春孔鼎湯盤跡未湮今古才人困
箕口祗應牛斗不能神退之

星宿羅胸氣吐虹屈蟠兵策畫山東黨牛怨李君
何與青史千秋有至公牧之

慶曆文章宰相才晚爲孟博亦堪哀淋漓大筆千
年在字字華嚴法界來子瞻

一代高名孰主賓中天坡谷兩嶙峋瓣香只下涪
翁拜宗派江西第幾人魯直

射虎山南雪打圍狂來醉墨染弓衣函關渭水何
曾到頭白東吳萬里歸務觀

載酒西園追昔游畫欄桂樹古今愁蘭成剩有江
南賦落日青山望蔡州裕之

漢庭老吏果無慚，揭後揚前總未堪。
愛咏君詩當招隱，青山一髮是江南。
伯生

漁洋山人詩集卷三十二終

